

廣

州

大

典



陳建華 曹淳亮 主 編

# 廣州大典

45

第三輯·粵雅堂叢書  
第七冊

廣州出版社

# 目錄

## 第十三集

中興禦侮錄二卷

宋□□撰 二

襄陽守城錄一卷

宋趙萬年撰 二七

宋季三朝政要五卷附錄一卷

宋□□撰附錄宋陳仲微撰 四四

詞源二卷

宋張炎撰 一〇三

精選名儒草堂詩餘三卷

元鳳林書院輯 一二六

樓山堂集二十七卷

明吳應箕撰 一六六

## 第十四集

朱子年譜四卷考異四卷

清王懋竑撰 四五二

附朱子論學切要語二卷

清王懋竑輯 七一一

韓柳年譜八卷

清馬曰璐輯 七五七

韓文類譜七卷

宋魏仲舉輯

七五七

柳先生年譜一卷

宋文安禮撰

八一〇

疑年錄四卷

清錢大昕撰

八一九

續疑年錄四卷

清吳修撰

八五四

米海岳年譜一卷

清翁方綱撰

八九二

元遺山先生年譜三卷附墓圖記略一卷

清翁方綱撰

九〇二



第十三集

粵雅堂叢書

粵雅堂叢書目

第十三集

中興禦侮錄二卷

宋 無名氏撰

襄陽守城錄一卷

宋 趙萬年撰

宋季三朝政要五卷

宋 無名氏撰

附錄一卷

宋 陳仲微撰

詞源二卷

宋 張炎撰

元草堂詩餘三卷

元 鳳林書院本

樓山堂集二十七卷

明 吳應箕撰

粵雅堂叢書目

一 粵雅堂叢書

# 中興禦侮錄

中興禦侮錄卷上

無名氏撰

女真部落初三種曰生女真熟女真黃頭女真金國即生女真之所出肅慎氏之遺種也居籍大遼之東北族帳最爲強盛其酋有楊割太師者驍勇雄毅善御其下爲諸部所推數與黃頭熟女真爭長相攻卒服屬之因其眾稍侵略旁近諸小國而蠶食焉雖臣屬契丹二百餘年頗叛附不常後天祚浸失道遂絕朝貢誘納叛亡潛圖異志終其世未有以發之楊割死子阿骨打立用

中興禦侮錄卷上

一 粵雅堂叢書

其弟吳乞買姪粘罕兀朮輩謀興師叛之數月之間攻陷城邑數十遼人師屢戰奔敗天祚度不能禦遂割遼東諸郡與之以議和遣使冊命爲東懷國皇帝永爲兄弟阿骨打發冊怒曰東懷者乃書稱小邦懷德之義是薄我耳杖其使遣之歸遂自立爲大金國大聖皇帝建元天輔時本朝政和八年契丹亦天慶八年也始金國起事之初遣使航海與本朝議夾攻約併有遼國後以五代所陷沒燕薊舊地盡還中國旣得志則背其約朝廷遣使屢請復言欲得舊與契丹歲賂銀絹數外別取

燕城地歲出租稅百萬緡然後與地仍預借兩歲徽宗不得已悉從其請所有燕中戶口職官儲畜等盡席卷而東朝廷勞師累年捐金繪數百萬計所得者空地而已初童貫出師與之夾攻也金人先已得遼地十八九所未下者燕京數城耳貫不能取復藉其力始克於是遂貽彼笑故使粘罕輩有輕視朝廷南窺中原之意矣阿骨打立六年卒弟吳乞買立改天輔六年爲天會元年雖謀欲南犯而猶豫未發既得吾叛臣劉彥宗及契丹叛臣耶律余覲遂與之謀二人者力勸圖南朝仍不

中興禦侮錄卷上

二 粵雅堂叢書

必以眾因糧就兵可也宣和七年時金國天會二年果率眾南犯燕山統帥郭藥師首以城叛降遂以連兵入寇時朝廷久安承平民不知戰一旦倉卒變起列城無與抗者故使虜眾得以長驅中原攻陷京闕既邀二帝出疆遂立宰臣張邦昌爲僞楚以主中國地然後完師還國繼聞建炎皇帝自河北建師入嗣大統移蹕維揚復舉眾來寇江浙荆淮尤被毒螫然虜勢雖寢猖獗而我亦屢敗其師粘罕因拊髀歎曰使南宋靖康間有此兵力我安得至此耶會郭藥師有異圖粘罕因立劉豫爲僞齊

主河南地遂領兵北歸骨打之孫亶立初阿骨打開國時與弟吳乞買約兄弟子孫互相傳受阿骨打死吳乞買既得立及吳乞買死阿骨打無子故復立其孫者以遵先約也仍舊稱天會越三載始改天眷撻辣既得專兵柄再率眾南犯始攻蜀喪師於吳玠乃折箭誓曰天命所在未可圖也於是獻和親之計於亶亶亦厭兵禍遽從其議時劉豫初廢河南不順遂以其地復歸於我兀朮謂撻辣縱敵生患陰有異志矯詔殺之復舉兵以陷河南地洎順昌之役爲劉錡所敗時暑雨暴注兀朮之帳一夕三徙懸釜而炊士卒疲不能軍狼狽駭走由是兀朮大慟

中興禦侮錄卷上

三 粵雅堂叢書

而歸知未易圖也又萌古韃靼等國宿讐未除恐其中有起而謀之者故以重兵壓境因吾回使莫將韓恕通好約和太上皇帝以頻年暴師亦務休息秦檜力主和議遂從而許之時紹興十一年虜之皇統二年也亶立十四年弟亮弒亶廢爲東昏王以代立改皇統九年爲天惠元年亮梁宋國王阿里勃之子也阿里勃靖康初稱二太子是也狀貌魁梧方口牛目耳垂肩鬚過腹涉史傳便習弓馬性貪虐淫侈篡位之初東昏時功臣懿戚及所忌者屠滅無遺又置炮烙剝剔之刑以威其下國人



怨之所任信者皆吾之叛臣如施宜生馮長甯張中孚中彥等列置臺省倚爲心腹而李成勳瓊孟斌孔彥舟之徒各主兵務任爲牙爪與之謀爲南牧計者未嘗一日忘也宜生尤爲亮所倚信用以爲相力陳南侵計且勸亮都汴左右或陳不可狀亮曰使吾爲中原天子足矣何爲不可遂下詔遷都有咨爾萬方當懷一統之語蓋恥爲夷狄欲紹中國之正統耳時紹興三十一年虞之正隆六年也亮以是年六月入汴方升殿受賀忽暴風雨雹殿瓦震動宣德門鳴吻忽墜亮心惡之識者知

中興禦侮錄卷上

四

粵雅堂叢書

其必敗先是夏五月遣龍虎衛上將軍殿前都提點高景山通議大夫尙書刑部侍郎王全來賀生辰因以欽宗訃音聞乃請割江水以北漢水以東之地又邀求宰臣湯思退陳康伯知樞王綸殿帥楊存中知閣鄭藻等出疆議事冀吾不允以開兵端上不許二使所請不獲陛辭語甚不遜上大怒馬軍帥成閔廷叱其無禮請殺之太傅楊存中止閔曰吾黨欲忠義報國當爲朝廷宣力疆陲今徒殺此曹何益閔奏乞出治兵願以死雪國恥上顧謂侍臣曰二十年來卑辭厚禮罔敢不至者爲

吾生靈堅守盟好耳今其君臣不道相與謀人之國不顧巢穴忘命深入以我爲易與我豈不能以百萬之眾仗義而較曲直哉左右咸贊其說秋七月遣同知樞密周麟之知閣門事張掄往賀遷都因令覘其動息麟之辭不行請權許割地方可往貶筠州以樞密都承旨徐嘉代行及境亮不納遣中議大夫翰林侍講韓汝嘉賁金牌至傳僞旨云昨令景山全傳旨召數大臣等有所宣諭今卿等雖來卽非所召者可使回去速令元所指定人同來稱賀仍須限九月初定到闕上以虜盟旣變

中興禦侮錄卷上

五

粵雅堂叢書

決意用兵始召邊臣增飭守備分遣禁旅屯據要害命威武軍節度使鎮江府都統劉錡進屯淮陰清遠軍節度使建康府都統王權進屯合肥寧國軍節度使池州都統李顯忠進屯安豐甯遠軍節度使江州都統戚方進屯固始安慶軍節度使鄂州都統田師中進屯口口軍尋以吳拱代之承宣使荆南府都統李道進屯口口華容節度使金房州都統王彥進屯漢陰天平軍節度使利州都統姚仲進屯大散關各率本部軍馬嚴兵以待之除少保奉國軍節度使判興州吳玠爲四川宣撫使太尉

威武軍節度使鎮江都統劉錡爲浙西淮南江東西路制置使慶遠軍節度使主管侍衛馬軍司公事成闕爲京西湖北路制置使分護諸將亮旣不獲所請憤然謂其下曰我謀南伐已久但未有其端今出師有名矣盡發河南北女真渤海大漢奚契丹兵號二百萬駐京洛閒命大懷忠爲都督以統之將行召諸將與折三箭爲誓初折一箭曰朕此行若不下江南誓與卿等不返國次折一箭曰金玉子女悉爲將士賞不用命者殺無赦次又折一箭曰大議已定敢諫者死亮一日酒罷母啟

中興禦侮錄卷上

粵雅堂叢書

曰江南自和之後執禮不缺一旦無故興師徒死生靈坐受塗炭亮謂沮師犯令殺以徇九月遂率眾分道南寇一軍攻淮甸大懷忠統之一軍攻襄漢劉萼統之一軍攻川陝張中彥統之別起一軍係發山東水手諸國兵浮海攻浙右蘇保衡統之亮自將女真親屯壽春九月十八日首以萬騎寇蜀吳璘出兵距戰對壘於寶雞河夜遣驍將彭青劫之斬首數百級降者二千人二十三日盱眙軍小校夏俊結眾數百號義兵襲破泗州僞知州安撫使蒲察徒穆同知大周仁宵遁俊保西城

東城未下俊夜遣人誘其降明日官吏軍民相率以迎海州軍士魏勝殺其守將亦舉城來歸俊補武翼郎閤門宣贊舍人就知泗州勝補修武郎閤門祇候就知海州十月初六日御史中丞汪澈充京西湖北宣諭使四川宣撫吳玠兼陝西河東招討使出隴右江淮制置使劉錡兼淮北京畿東河北東路招討使出睢陽京湖制置成閔兼京西河北西路招討使出南陽督諸道兵三路進討軍前檄告契丹西夏高麗渤海韃靼諸國及我河北河東陝西京東河南等道官吏軍民等益聞惟天

中興禦侮錄卷上

粵雅堂叢書

無親作不善者神不赦得道多助仗大義者眾必遠敢據一切之誠用諗萬邦之聽我國家功高上古澤潤中區列聖重光方啟昇平之運斯民不幸適丁版蕩之秋蠢茲女真之微首覆契丹之祀怙其新造閒我不虞妖氛旣陷於神都虐燄殆彌於屬縣兩宮北狩迄罹胡地之煙塵大駕南巡未正漢宮之日月凡居率土誼不戴天王上紹開中興宏濟大業望山河而隕涕瞻陵廟以傷心益卧薪嘗膽之是圖甯拯溺救焚之敢緩然人命至重佳兵不祥靡辭屈已以事讐姑欲安民而和眾豈

謂冥頑之虜狃於篡逆之資以至不仁行大無道驅我中原之老穉剪爲異類之囚俘仍輕棄於穴巢輒坐張於畿甸自謂富強之莫敵公然反覆以見欺指麾而取將相之臣談笑以求淮漢之壤九州四海聞之怒髮以衝冠百將三軍孰不舉旗而抵掌幕府濫膺齎鉞盡護戎旃當陝右以啓行宮展魚龍之効沿順昌而出戍復殲蛇豕之羣冀憑宗社之威靈一洗穹廬之穢孽待時而動歷歲於茲天亡此胡使悉身而送死人自爲戰不與賊以俱生帝尊一臨士氣百倍吳少保下蜀川之甲

中興禦侮錄卷上

八 粵雅堂叢書

劉相公興京口之師李四廂虎視於青徐王太尉鷹揚於臺壽馬師搗穀函之險步軍衝伊洛之郊前無堅鋒勇有餘憤以此制敵何敵不摧以此攻城何城不克惟彼諸蕃之大國久爲鉅宋之懽鄰玉帛交馳尙憶百年之信誓封疆迴隔頓疎兩地之音郵願惇繼好之規共作侮亡之舉至於秦晉奇士燕趙雋才抱節義之良謀志功名之嘉會爲劉氏左袒飽聞思漢之忠俟湯王東征必慰戴商之望抗旌雲合投袂風從或據城以迎降或聚徒而特起乘吾破竹之勢立爾翦茅之勲侯王甯

有種乎人皆可致富貴是所欲也時不再來更期父老之誨言深念祖宗之德化毋忘舊王重建丕基檄到如章書不盡意又朝廷降黃詔諭金虜無厭背盟失信今率精兵百萬恭行天討仰中原官吏軍民等能以一路逋者與一路安撫使以一州歸者與一州以一縣歸者與一縣所得城邑除爵賞外凡府庫所有盡以給賞朝廷所留唯器甲文書而已內有願別立功效之人不次擢用令軍行秋毫不犯事平後免租稅十年一應虜人暴斂及強奪良人室女爲奴婢者當爲放還深酷之刑

中興禦侮錄卷上

九 粵雅堂叢書

如剝皮族滅滅油煎鋸解鉤脊之類一切除之武翼郎知均州武鉅築山水寨結土豪起義軍自爲攻守計不藉朝廷軍需芻粟等招降到偽巡檢杜海督朝潤二萬人鞍馬器械亦如之擢果州團練使管內安撫使節制忠義軍馬十九日孟炤以順昌降擢忠州團練使就知順昌府奚契丹以眾二千來逼封賞各有差二十四日賊陷信陽軍二十五日吳璘將劉海克秦州擒偽安撫高同知明威將軍乞永闢奉信校尉室登劉天使大郎君二郎君等俘馘萬計獲戰馬兵甲器械莫知其數二十



## 中興禦侮錄卷上

十

粵雅堂叢書

六日賊陷光州二十七日虜突騎數千犯光軍守將張起迎戰於上水門北關敗之明日再戰陷之吳璘將曹沐克兆州執僞同知昭武大將軍奧屯蟬只等張彥忠克蘭州禽僞刺史安遠大將軍溫都烏鳥等殺之彭清張惠容克隴州與賊戰僞知州盧奉國同知劉昭武竄登涼樓清等縱火焚之盡燒其儲積僞都統合喜勃謹張金紫會陝西諸路兵數萬據方山原清等乘勝攻之賊敗棄原走劉錡軍前探報金人大發戰艦蒲臺閣習將謀入海南寇以宣州觀察使李寶爲浙西副總管提

## 中興禦侮錄卷上

十一

粵雅堂叢書

侮曩因賀使公肆慢言指求將相之臣坐索漢淮之壤吠堯之犬謂秦無人朕姑務於含容彼尙飾其姦詐嘯厥醜類驅吾善良妖氛浸汨於中原烽火遂交於蜀道皆朕威不足以震疊德不足以懷柔負爾萬邦於茲三紀撫心自悼流涕何從方將躬縞素以啟行率貔貅而薄伐取細柳馭軍之制考澶淵克敵之規詔旨一頒驪聲四起歲星臨於吳分當成淝水之勳鬪士倍於晉師當決韓原之勝尙賴股肱爪牙之士文武小大之臣戮力一心捐軀報國共雪侵凌之恥永肩恢復之圖播告邇遐明體朕意初三日亮親行營壘督諸軍戰眾數十萬壁淮岸連營三百里與官軍對拒初四日攻安豐陷之分兵四掠李顯忠將孔福迎拒于正陽遇虜萬戶郭副留韓將軍甲士二千戰於大人洲敗之賊復召生兵數千整陣再鼓官軍乘勝搏之虜三戰皆敗掩殺入淮死傷略盡初五日成閔將張喜克復信陽軍初六日虜兵數千係簽山東十三州人用火車載鵝車天橋雲梯及砲架於渡船將攻海州去城二十里寨於新橋李寶潛軍由他道出其背掩擊沒死於新河者十四五旗鼓

攻具坐獲之初七日吳拱將郝敦書將游擊兵次湖陽遇賊鐵騎千餘步軍七百迎戰於真陂敗之武鉅將荀琛將民兵進攻鄧州遇賊攻於宜男村敗初九日賊潛遣舟師夜攻劉錡淮陰營錡將吳超伏弓弩射退同時又犯清河口水剛敗之黎明虜騎數千直臨大黑口吳超李橫多布剋敵弓沿流迎遏虜別選精騎萬餘乘戰舸從十八里河入與錡決戰自卯至酉殺傷相當賊遂退蟻北岸錡濟渡銳卒出其不意往襲之掩殺入淮死者不可勝計盡獲糧船軍須等初十日結筏渡淮攻濠

中興禦侮錄卷上

士

粵雅堂叢書

州陷之王權以賊勢初銳彼眾我寡未可與爭鋒退屯廬州時劉錡方守淮東俾權屯淝水以遏淮西之衝權既失利退師錡亟遣姪浹將步騎五千援之別令死士千人往斷浮橋至皆陷於賊浹單騎馳還遂陷廬州權退屯和州留步將姚興拒之十一月與賊戰於定林斬首數千級擒其千戶鵠殺虎賊益兵攻之興提孤軍無援戰鬪數十合士馬饑疲既與權相失亦復引而南且行且戰賊遣騎語興使降興不從遂戰死十三日賊攻和州權將戴皋勒兵迎距賊圍之數重權令任旺等應

援虜遣游兵遮絕之旺率麾下奮擊而前殺數百人救皋出賊眾稍卻皋旺併兵追擊於尉子橋敗之遂解和州圍十七日賊復益兵攻和州陷之權退保采石棄軍須兵仗不可勝計軍民爭舟溺死於江者十四五權編管瓊州以兵屬李顯忠劉汜編管英州賊眾二十餘萬既陷淮西數郡遂分兵掠地十九日陷真州直趨揚州劉錡中軍統制邵宏淵將游擊兵數千遇揚子橋與之夾水陳雨矢交下晝夜相持三日故賊不得東時錡全軍在山陽與賊對壘而揚州無守備微宏淵則陷於賊

中興禦侮錄卷上

士

粵雅堂叢書

錡腹背受敵進退失據矣二十一日錡棄楚州陷之還屯揚州二十二日賊攻揚州陷之錡敗績退保瓜洲渡二十三日降詔朕德不足以懷遠人致金人復叛盟好勞我將士蒙犯矢石朝夕念之坐不安席食不甘味自今月二十四日當避正殿減常膳以樞密院葉義問除督視江淮軍馬中書舍人虞允文朱夏卿參贊軍事戶部侍郎汪應辰充浙東沿江制置使兵部侍郎陳俊卿除浙江沿江制置使各措海船戶部侍郎劉岑充浙西淮南江東四路發運使督水陸漕運以餉諸軍張浚復

## 中興禦侮錄卷上

古

粵雅堂叢書

觀文殿大學士召知建康府事廿六日虜高萬戶率騎八千來犯瓜洲錡時病嘔血遂肩輿力疾督戰於阜角林前鋒將敗錡先登陷圍下馬死鬪二十餘合破之賊益生兵張左右翼掩襲於後錡遣中軍游奕統制邵宏淵併力禦之血戰自卯至申賊敗引去橫屍二十餘里侍從臺諫疏乞親征詔步軍帥李捧除御營前軍都統率本部兵駐江口太傅和義郡王楊存中除御營宿衛使卜廿九日車駕進發右僕射朱倬楊存中固諫止曰賊狃於新勝其鋒方銳乘輿未宜輕動萬一王師小跌或致驚擾爲害非細不若且令諸將併力禦之賊之遠來利在速戰宜堅壁以剋其鋒俟其沮解一鼓乘之可以得志侍從臺諫皆謂不然昔澶淵之役真宗親幸軍前契丹之師不戰自潰紹興之初趙鼎張浚力勸親征敵遂退走今乘輿宜速啟行以振士氣賊聞必少卻乘我士氣破之必矣存中曰澶淵偶斃其統軍敵遂引退豈可因昔時之幸勝保今日之成功上猶豫未決存中乞躬往江上覘事勢與諸將合議以聞上許之十一月五日存中抵鎮江劉錡夜潛謁議事令李橫守瓜洲賊

## 中興禦侮錄卷上

古

粵雅堂叢書

覬錡渡江輕兵來襲瓜洲橫自爲先鋒擊敗進兵追之遇伏身被數鎗幾不免遂奮擊冒圍以出還保瓜洲初六日賊攻宣化渡邵宏淵擊敗之初七日復攻奪瓜洲宣化二渡甚急錡嘔血疾篤遂弃瓜洲退守京口沿流諸處要害亦皆棄之退屯江南至是皆爲虜所得葉義問召錡責讓曰瓜洲咽喉要害當以死守促令進兵爭之錡曰官兵連日苦戰疲勞又眾寡不敵賊新勝氣銳未可與爭宜併力守江蓄銳待之義問怒曰君爲大將提十萬眾怯於一戰昔之智勇安在遂取錡招討印舉示諸將曰能爲跨江一戰者當以畀之功成奏以重賞數問無應者於是李橫請行乞兵三千義問與之五千錡曰未見其利也更以三千爲援至皆沒於賊橫僅以身免遂罷錡兵以醴泉觀使奉朝請擢其弟銳爲鎮江都統制領錡所部兵成閔改除浙西江東淮南路制置使京畿河北東路招討使吳拱除湖北京西路制置使京西北兩路招討使李顯忠改建康府都統制除臺壽招討使李道權節制池州軍馬亮時在和州聞王師退保親提銳眾駐西采石分布戰艦直欲衝突濟江李



顯忠列步騎及水軍陣於采石東岸舸載甲士增以勁弓硬弩沿流禦之乘其未備濟師西岸焚蕪賊舟進兵急擊大破之賊還保和州亮既下淮南諸郡獲官私儲積足以持久又以江南屯守甚堅未可輕越遂保據揚州增築濠壘嬰城自固偽改爲新德府又改眞州爲新德軍封偽元師大懷忠爲淮南王其餘偽官皆論功遷職有差各屯駐重兵分據沿江要害柳城於瓜洲窺伺攻劫芟地植麥爲來年攻守計初劉錡之守揚州披城立營柵欲爲虜確俾淮南諸郡皆清野盡斂公私儲蓄

## 中興禦侮錄卷上

去

粵雅堂叢書

簽發女眞渤海大漢軍二萬山東水軍一萬大艦四百艘遣榮祿大夫工部尙書蘇保衡爲軍都統制驃騎上將軍益都府總管完顏鄭禮副之神鋒軍總管輔上將軍蒲輦神鋒軍副總管昭毅大將軍阿兀威震軍總管昭毅將軍都水使者孟斌威震軍副總管寶遷大將軍御前引進高什爲將佐寢殿小底武義軍將軍都水使者小名不識爲監軍并熟知海道人忠翊校尉倪詢承信校尉殷簡詢平江人簡通州人因罪捕急遂竄於虜以其熟知海道各捕官用之自密川膠西入海南寇僞扎付蘇保衡等汝等端的問道途

## 中興禦侮錄卷上

去

粵雅堂叢書

遠近約度里數神速起發前去限十一月十四日已後十八日已前此五日內須管夜半過海門山天將明時湧入杭州句當內指斥語不書莫殺無辜之人不得打虜密封府庫訖急走馬過江奏知不得分毫怠慢候事定江南後依等第重加賞例內有打好不向前逃亡之人盡行處斬諸軍等各宜盡心不得有違朕意十月二十七日晨發膠西鉦鼓震天旌旗蔽日而下李寶率水軍七千督戰艦往邀擊之時西北風急王師未果進泊於唐家島賊乘風張帆順流南駛始出膠西港忽東南風轉寶

將曹洋分布戰艦遮賊要路乘風衝擊彼軍皆怯水鬪不戰而降惟女真軍猶力拒洋因風縱火帆艦皆著烟焰亘天死者不可勝計餘眾捨舟登岸狼狽駭走追戮追盡生擒三百餘人降大漢軍三千餘人山東水軍數千盡獲器甲軍須等捷奏上大悅除寶靖海軍節度使兩浙路通泰海州沿海制置使京西河北招討使將佐並遷十官遣內侍陳子常賫茶藥金器等賜詔獎諭初八日李顯忠分遣騎二萬數路攻劫賊寨部將崔定破賊巢縣屯獲級數百禽女真千戶會達漢軍千戶賀陽

中興禦侮錄卷上

六

粵雅堂叢書

生亨謹克復無爲軍趙端破賊三大寨於廬州西蜀山賊敗還保廬州背城堅柵以守端選士二百銜枚夜斫其營盡焚其柵賊復入保城十五日端進薄其城賊出搏戰又敗之十七日王彥拔商州禽僞知州昭毅大將軍完顏守能同知武騎尉馬彥千戶信武將軍渾達安遠軍阿華降女真軍千人別將任大錫克虢州又克華州獲同知昭武大將軍韓端愿信武將軍韓鎔成閔將趙樽克蔡州戚方將張寶克光州追北賊將蕭安撫於淮口又敗之十八日順昌復陷於賊孟炤死之亮盡屠

居民邑屋戒其降於我也二十日李道敗虜將劉萼兵數千克復光化軍二十五日賊攻秦州王剛迎戰敗之禽渤海千戶李倬僊二十七日復益兵來攻陷之剛敗奔通州二十八日賊攻通州不克是夕亮被弑年四十四在位一十四年初亮之謀南犯也經營數年製造海船教閱水軍欲奪南人之長技志於必取及遣師入海也決期破臨安然後進兵渡江舟師既爲李寶所敗遂失望又沿江屯戍甚堅未易輕越因是憤怒拔劍斫几促令作筏渡江誠以初三日畢濟不然將佐盡行處斬僞

中興禦侮錄卷上

五

粵雅堂叢書

臣有進說者謂長江之險可敵二百萬甲兵況爭舟楫之利非北軍所長安可剋期取勝當老之以歲月乘其虛隙可也亮曰當時四太子何故過得去而我不可過耶立斬以徇左右皆震讐不自保羣下相爲謀曰若至期不果我曹無逃死矣莫若先計圖之遂謀於是夜二鼓詐爲捷書入報稱前軍已渡江畢南軍皆潰亮方醉卧聞奏至喜自帳中躍出遂遇弑眾軍皆亂先是亮以女真親軍居帳下皆給好衣糧仍不使出戰所當鋒鏑者皆中原及諸國簽軍又所給纍羈率多怨憤是夜眾

乘其亂悉舉火燒營棄兵而潰相蹈藉死者十四五喪  
器甲軍須糧草騾馬牛畜等不知紀極止有女真兵數  
萬尙爲之屯守大懷忠盡統之閱數日虜相張浩奉偽  
太子光英護亮喪還汴帥其餘眾結陣而去亮一日登  
亭指顧江山之勝謂其下曰朕不入浙誓不返國因改  
其亭曰不歸亭賦詩於壁曰萬國車書久混同江南何  
尙隔華封提兵百萬西湖上駐馬吳山  
第一峰蓋不遠之識已是先見之矣

中興禦侮錄卷上

三

粵雅堂叢書

中興禦侮錄卷上

譚瑩玉生覆校

中興禦侮錄卷下

無名氏撰

亮立十四年卒兄襄立改正隆六年爲大定元年廢亮  
爲岐王諡曰煬王襄卽魯王撻辣之子葛王也始亮之  
篡竄也盡封諸叔兄弟及功臣戚里以安其心後疑其  
有圖已者漸誣以罪誅滅之襄恐禍將及已遂佯墜車  
傷足稱疾不朝還其封邑由是獲免亮旣遷都於汴方  
事南牧未暇北顧而蒙古韃靼等國連兵入寇遂起襄  
畱守燕京督師討之亮遇弑眾遂推而立之襄性外寬

中興禦侮錄卷下

一

粵雅堂叢書

內和沈鷺有深謀當亮時刑罰過差下多離怨襄傾財  
賑之結納豪右以收眾心由是士多歸之或云亮之弑  
襄有謀焉時有盱眙軍老兵譚禧者爲賊驅虜至燕京  
凡數月後遙云有耶律阿栗者亦預殺亮襄  
立遷爲左平章事賜姓完顏結爲兄弟同謁  
太廟仍於宗正府著姓籍據此又出襄謀也三十日軍  
前准大僉都督府牒國朝自太祖皇帝創業開基奄有  
天下迄今四十餘年講信脩睦兵革浸息不意正隆失  
德師出無名使兩國生靈皆被塗炭今奉新天子明詔  
已從廢殞大臣將帥方議班師赴闕宜各戢兵以悖舊  
好軍前用督視軍馬府牒同之承來文爲正隆失德廢



殞事除已具錄奏聞外須議移文牒請照會十二月初

三日成閔進屯瓜洲渡李顯忠進屯采石渡邵宏淵進

屯宣化渡初五日邵宏淵收復真州初六日成閔收復

揚州初八日收復高郵軍初十日收復楚州十二日克

盱眙凡言克者戰而得之言收復者不戰而賊自棄我得以就取之餘寇皆奔北渡淮

已濟未畢閔令死士潛斷浮橋大軍三面掩擊溺淮死

者不可勝計時自亮死淮東諸城守賊拔寨盡去懷忠

止畱偽相張浩之子統積兵二萬據和州爲殿李顯忠

依險列營瞰臨城壘薄城以攻賊引眾宵遁顯忠遂輕

### 中興禦侮錄卷下

粵雅堂叢書

騎五千追襲於橫山澗賊反旗鳴鼓縱驍騎搏戰官兵

併力鏖戰虜眾大敗橫屍蔽野盡獲其輜重克復和滁

州十五日成閔潛師濟淮夜攻泗州克之獲破虜老弱

數千以歸邵宏淵收復廬濠州乘勝追賊戰於白陵橋

敗之夜遣師追北遲明抵淮口乘賊半渡縱兵掩擊又

敗之十六日趙樽拔陳州執同知完顏耶魯等吳拱將

劉革克鄧州牛完克汝州十七日武鉅克嵩州降詔朕

以逆亮渝盟侵犯王略肆頒詔旨躬往視師久已戒嚴

屬茲進發凡遠邇股肱之郡文武大小之臣宜體朕心

各修爾職毋虐善良毋事征求毋擾獄市內則輯甯於

郡部外則式遏於寇攘共濟大勳永底丕乂故茲詔示

想宜知悉初十日車駕進發以觀文殿大學士湯思退

畱守宮闕二十日皇帝勞軍於鎮江李寶李橫不受賜

子寶曰海上捷非臣之功劉錡指蹤也錡既被出臣不

敢獨被上賜橫曰瓜洲之勦非錡之罪錡時疾篤實臣

橫主兵務以連日格鬪馬困兵疲度不可支遂退保江

南而葉樞密召錡責讓必欲再戰錡力陳不可狀葉不

聽遂奪錡招討印付臣橫令再戰遂致失利罪實在臣

### 中興禦侮錄卷下

粵雅堂叢書

因嚙臂流血以明錡非辜又諸軍皆不樂義問於上前

率多怨言於是罷義問樞密督視軍馬饒州居住罷橫

兵職爲浙西副總管二十三日勞軍于建康駐蹕行宮

二十四日安豐守將孫顯忠收復壽春府二十五日德

音曲赦揚泰真楚滁和廬濠光州盱眙光化無爲安豐

信陽軍僞鳳翔太守張中彥遣使詣吳璘軍納款願舉

陝西五路來遙詔除少保鳳翔府節度使賜子良涯及

趣其覲則辭不奉詔任契丹以眾二萬降首令除檢校

少保□□軍節度使賜姓名曰王友直既入覲擢殿帥